

"মিষ্টি বাচ্চারা -- তোমাদের সঙ্গমযুগী বাচ্চাদের ধর্ম আর কর্ম হলো জ্ঞান অমৃত পান করা আর অন্যকে তা পান করানো, তোমরা নরকবাসীদের স্বর্গবাসীতে পরিণত করার সেবা করো।"

প্রশ্ন :- তোমরা ব্রাহ্মণরা কর্মের কোন্ গুহ্য গতির জ্ঞান পেয়েছো ?

উত্তর :- যদি বাবার হয়ে কখনো কোনো কর্মেন্দ্রিয়ের দ্বারা কোনো পাপ কর্ম করেছো তাহলে একের শতগুণ দণ্ড ভোগ করতে হবে - এই জ্ঞান তোমাদের ব্রাহ্মণদেরই আছে, তাই তোমরা কোনো পাপ কর্ম করতে পারো না। এখন তোমাদের ব্রাহ্মণদের লক্ষ্য হলো -- সর্বগুণ সম্পন্ন হওয়া, তাই তোমাদের অপগুণ দূর করার পুরুষার্থ করো।

গীত :- ভোলানাথের থেকে নিরালা আর কেউই হয় না .....

ওম শান্তি। বেহদের বাবার নাম হলো ভোলানাথ, তাহলে অবশ্যই তিনি মানুষ থেকে দেবতা বানান। সমস্ত মানুষই তো আসুরী সম্প্রদায়। তারা মানুষকে দেবতা বানাতে পারে না। তাঁর জন্যই এই গায়ন রয়েছে যে, মানুষ থেকে দেবতা করেছেন - দেবতারা অমরলোকে থাকে। এ হলো মৃত্যুলোক। অবশ্যই বাবা এসে এই মৃত্যুলোকেই অমরকথা শোনাবেন, অমর বানানোর জন্য। এখন মানুষ থেকে দেবতায় রূপান্তরিত করতে অনেক সময় লাগে না .....এই কথা কার সম্বন্ধে বলা হয়েছে? অবশ্যই শূদ্রদেরই দণ্ডক নেওয়া হয়, তাই না? তখন বলবে শূদ্র বর্ণের মানুষদের ব্রাহ্মণ বর্ণে নিয়ে আসে। এতো সব বাচ্চারা বলে, আমরা ব্রহ্মাকুমার - কুমারী, ব্রহ্মার সন্তান। প্রজাপিতা থাকলে অবশ্যই তাঁর ধর্মের বাচ্চারা থাকবে। মুখ বংশাবলী হলেও অবশ্যই মাতা - পিতা চাই। তোমাদের মাঙ্গার মুখ বংশাবলীও বলবে। তোমরা বাবারও মুখ বংশাবলী তাই দাদুরও মুখ বংশাবলী হলে। এখানে গর্ভজাত বংশাবলীর কোনো নামই নেই। এই কলিযুগের ব্রাহ্মণরা হল গর্ভজাত বংশাবলী আর তোমরা ব্রাহ্মণরা হলে মুখ বংশাবলী। দুনিয়ার ব্রাহ্মণ তো একে অপরের সাথে বন্ধনে আবদ্ধ হয় বিষ পানের উদ্দেশ্যে। আর তোমরা ব্রাহ্মণরা অমৃত পান করানোর জন্য পরমাত্মার সঙ্গে বন্ধনে আবদ্ধ হও। এ কতো তফাত। ওরা নরকবাসী বানায় আর তোমরা স্বর্গবাসী বানাও। এই জ্ঞান অমৃতের দ্বারাই মানুষ থেকে দেবতায় পরিণত হয়। আমরা ঈশ্বরের সন্তান হলে তাঁর সাহায্যও পাই। বাবার প্রকৃত সন্তান আর সৎ সন্তান দুইই তো আছে, তাই না? সৎ সন্তানরা এতো সাহায্য পায় না, যা বাবার প্রকৃত সন্তানরা পেয়ে থাকে। বাবার ভালোবাসাও তাঁর প্রকৃত সন্তানদের প্রতিই বেশী থাকে। বাবার প্রকৃত সন্তান না হতে পারলে ভাইয়ের বাচ্চাদেরই ভালোবাসতে হবে বা অন্য ধর্মের সন্তান হতে হবে।

এখন তোমরা বর্ণকেও জানো। যদিও বিরাট স্বরূপ বানানো হয় তবুও তার হিস্ট্রি - জিওগ্রাফি কেউই বলতে পারে না যে এতে কি হয়। এখন বাবা বুদ্ধিয়ে বলেন এই চক্র ঘুরতে থাকে, এতো জন্ম দেবতাদের, আর এতো জন্ম ক্ষত্রিয় বর্ণের। এ কোনো গল্পকথা নয়। তিনি ৮৪ জন্ম প্রমাণ করে বলেন। সতোপ্রধান তারপর সতো, রজো, তমো সকলকে অবশ্যই হতে হয়। দেবতারা যারা একসময় সতোপ্রধান ছিলো তারাই পরে তমোপ্রধান হয়ে গেছে। এখন এই মনুষ্য সৃষ্টির ঝাড় জর্জরিভূত হয়ে গেছে, অর্থাৎ প্রায় কবরে চলে গেছে। এ হলো একেবারে শেষ সময়। সকলেরই পুরনো হিসেব -

নিকেশ শোধ হয়ে যাবে তারপর নতুন জন্ম নিতে হবে। ধন সম্পত্তির হিসেবের খাতা হয়। এখানে হিসেবের খাতা হলো কর্মের। এ হলো অর্ধেক কল্পের খাতা। মানুষ যে পাপ কর্ম করে এসেছে সেই খাতাই চলে এসেছে। এমন নয় যে একবার সাজা ভোগ করলেই সব শোধ হয়ে যায়। তা নয়। পাপ আত্মা কিভাবে হয়? প্রতিদিন কর্মের বোঝা চাপতে চাপতে সম্পূর্ণ তমোপ্রধান হয়ে যায়। আবার অনেকে বলে সন্ন্যাসীরা যখন সন্ন্যাস নেয় তখন তাদের কেন তমোপ্রধান হওয়ার দরকার? কিন্তু বাবা বলেন সে হলো রজোপ্রধান সন্ন্যাস। এখন তোমরা শ্রীমত পাচ্ছো। ও হলো মনুষ্য মত। যেমন মানুষ বলে আমরা মোক্ষ পাই, কিন্তু তা কিভাবে? সমস্ত অভিনেতাকে তো অবশ্যই এখানে হাজির হতে হবে। কেউই এমনি ঘরে ফিরে যেতে পারবে না। গীতাতেও এমন অনেক কথা লেখা আছে। প্রথম কথাই হলো সর্বব্যাপী। এখন তোমাদের বাচ্চাদের ভিতরে বাবার স্মরণই আছে। রচয়িতা বাবা আর সাথে বাবার রচনা। কেবল বাবাই নয়, সঙ্গে তাঁর রচনাকেও স্মরণ করতে হবে। তোমরা নিজের কাজ কারবারও করো আর সঙ্গে মূলবতন, সূক্ষ্মবতন, শিব বাবার জীবনী, ব্রহ্মা, বিষ্ণু, শংকরকেও জানো। এরপর সঙ্গম যুগের জগদম্বা এবং জগত পিতাকেও জেনেছো। জগদম্বা সরস্বতীকে বলা হয়। তাঁর অনেক চিত্র আছে। বাস্তবে এক মুখ্য হলো জগদম্বা সরস্বতী। এখানে প্রথমে ব্রহ্মা ব্যক্ত থাকেন পরে তিনি অব্যক্ত হন। এই অব্যক্ত রূপের পরে সেই ব্রহ্মাই আবার সাকার মহারাজা শ্রী নারায়ণ হন, তারপর তাঁর ৮৪ জন্ম শুরু হয়। এখন তোমরা কাজ কারবারও করো, কিন্তু কর্মেন্দ্রিয় দিয়ে এমন কোনো পাপ কর্ম করো না যা বিকর্ম হয়ে যায়, নাহলে সর্বগুণ সম্পন্ন হতে পারবে না। এমন গানও মানুষ গায় যে আমি এই নির্গুণের মধ্যে কোনো গুণ নেই। এখন হলো মিথ্যা খণ্ড। সত্য খণ্ড এক বাবাই স্থাপন করেন। এই সময় সমস্ত মানুষই অনাথ।

এখন বাচ্চারা তোমাদের কোনো অপগুণ থাকা উচিত নয়। সবথেকে প্রথম অপগুণ হলো দেহ - অভিমান। দেহী - অভিমানী হতেই অনেক পরিশ্রম। এই দেহ - অভিমানের কারণেই অন্য সব বিকার আসে। অহংকার হলো এক নম্বর শত্রু। বাবা সরাসরি বলেন, বাচ্চারা এবার দেহ অভিমান ছাড়া। আমার তো দেহ নেই। আমি এনার শরীরের মাধ্যমে এসেই বলি। তোমরাও এই শরীরের দ্বারাই শোনো এবং বুঝতে পারো। এখন বেহদের বাবা মত দিচ্ছেন, আমাকে স্মরণ করো তাহলেই তোমাদের বিকর্ম বিনাশ হয়ে যাবে। এমন কোনো পাপ কর্ম করো না যে বদনাম হয় আর পদভ্রষ্ট হয়ে যায়। বাবা বলেন বাচ্চারা, তোমাদের কেউই রাজযোগ শিখিয়ে স্বর্গের মালিক করতে পারবে না। এখন বাবা তোমাদের সত্যিকথা বুঝিয়ে বলেন। তোমরা সেই সত্য বাবার সঙ্গে বসে আছো, সত্যকথা শোনা আর সত্যখন্ডের মালিক হওয়ার জন্য। তাঁর নামই হলো সত্য। সত্য জ্ঞান সাগর। এ তো বাবাই বলেন যে আমি জ্ঞানের সাগর। জ্ঞান সাগরের থেকেই তোমাদের এই জ্ঞান নদীদের উৎপত্তি। তাহলে গঙ্গাকে কিভাবে পতিত পাবনী বলা হবে। পতিত - পাবন তো পরমাত্মাই হবেন, যিনি জ্ঞানের সাগর। ওই গঙ্গা সম্পূর্ণ দুনিয়ায় ছোড়াই যেতে পারবে। এ তো একমাত্র বেহদের বাবার কাজ। তোমরা শূদ্র থেকে ব্রাহ্মণ হও। ব্রাহ্মণ হলো শিখা অর্থাৎ সবার উপরে। কিন্তু এখনো সতোপ্রধান বলা হবে না কেননা এখনো সবাই পুরুষার্থী। সকলেই সেবা করছে।

ঈশ্বরীয় সন্তান হওয়ার কারণে ব্রাহ্মণদের খুব মান, কেননা ভারতকে স্বর্গ তোমরাই বানাও। এমন নয় যে লক্ষ্মী - নারায়ণ ভারতকে স্বর্গ বানায়। এ তো বাবাই বানায় ব্রাহ্মণদের দ্বারা নাকি দেবতাদের দ্বারা? পুরনো দুনিয়াতে এসেই বাবাকে নতুন সৃষ্টির রচনা করতে হয়। বেহদের বাবা নতুন বাড়ি অর্থাৎ স্বর্গ বানিয়েছেন। নতুন জিনিসকে পুরনো তো হতেই হবে। লৌকিক বাবাও যখন

নতুন বাড়ি বানায়, সেও একদিন অবশ্যই পুরনো হয়। এমন নয় যে বাবাই পুরনো করে দিয়েছেন। প্রতিটা জিনিস সতোপ্রধান থেকে তমোপ্রধান অবশ্যই হয়। এখন তোমরা দেহের সর্ব ধর্ম ছেড়ে নিজেকে আত্মা মনে করো। বাবা সমস্ত বাচ্চাদের বলেন যে এখন খেলা সম্পূর্ণ হয়ে এসেছে। এখন ঘরে ফিরে যেতে হবে। তোমরা ভুলে তো যাও নি। আমি তোমাদের সহজ রাজযোগ শেখাতে এসেছি। আমি আর তোমরা ৫ হাজার বছর আগেও মিলেছিলাম। আমি তোমাদের রাজযোগ শিখিয়েছিলাম। তোমাদের মনে আছে তো। ভুলে তো যাও নি? আমি কল্পে কল্পে এসে তোমাদের বাদশাহী দিই। তোমাদের কড়ি থেকে হীরে তুল্য করে তুলি। বাচ্চারা বলে বাবা, আমরা কি এই চক্র থেকে মুক্তি পাবো না? বাবা বলেন, না। এই সৃষ্টি চক্র হলো অনাদি। যদি এই চক্র থেকেই মুক্তি পেয়ে যাও, তাহলে তো এই দুনিয়াই শেষ হয়ে যাবে। এই চক্র তো অবশ্যই ঘুরতে থাকে। আমি আবার এসেছি। প্রতি কল্পের সঙ্গম যুগে আমি এসে থাকি। দুনিয়ার মানুষ যুগে যুগে কথা লিখে দিয়েছে। তারা বলেও থাকে যে, পতিত পাবন এসো, আমাদের পবিত্র বানাও। সুখধামে নিয়ে চলো। এই পতিত দুনিয়ায় তো দুঃখই দুঃখ। আচ্ছা, আমার কাছে তো দুই ধাম আছে। তোমরা কোথায় যাবে? বাবা বলেন যে সুখধামে তো অনেক সুখ। আর যদি মুক্তিধামে যাও তাহলে এই অভিনয়ে তো অবশ্যই আসতে হবে। কিন্তু যখন স্বর্গের সময় শেষ হয়ে যাবে, তখন আসবে। স্বর্গে কি তোমরা আসতে চাও না? তোমাদের কি স্বর্গে আসার ইচ্ছা নেই? তোমরা কি এই নরকের মায়া রাজ্যেই আসতে চাও? অবশ্য তখনও প্রথমে সতো হবে, তারপর রজো এবং তমো হবে। যে পবিত্র আত্মা আসে তারা প্রথমেই দুঃখ পায় না। আসা থেকেই অল্প অল্প করে পাপ করতে থাকে। আত্মাদের সতো, রজো এবং তমো অবস্থার মধ্য দিয়ে পার হতে হয়। তাই এই চক্রকেও বুঝতে হবে। এখনই তোমরা ফাইনাল অবস্থায় যেতে পারবে না। স্কুলেও দেখো ১২ মাস পরে ফাইনাল পরীক্ষা হয়। অন্তিম সময়ে তোমাদের অবস্থা পরিপক্ব হবে। তখন অনেক বৃদ্ধি পেতে থাকবে। কত সেন্টার খোলা হয়েছে। সেন্টারের জন্য তো অনেক বলা হয়। কিন্তু এতো টিচার এখনো তৈরী হয় নি। একনম্বর সময় হলো - অমৃতবেলা। কেউ যদি সকালে আসতে না পারে তাহলে অসুবিধা করেও যেন সন্ধ্যাবেলা আসে। স্কুলেও দুটো শিফট হয়। আচ্ছা বাচ্চারা, বুঝেছো তো?

বাবা সমস্ত সেন্টারের বাচ্চাদের বুঝিয়ে বলছেন। বাচ্চারা তোমরা রাতে ৩পোতামেল লেখো। আজ তোমাদের রেজিস্টার খারাপ তো করো নি? কোনো ভুল তো করো নি? তাহলে বাবার থেকে মারফ চাইতে হবে। শিব বাবা আমাকে মারফ করো। তুমি কত মিষ্টি। বাবা বলেন, আমি তোমাদের স্বর্গের মাস্টার ভগবান - ভগবতী বানাই। তাই আমার কথা তোমরা শোনো। এক নম্বর নির্দেশই হলো দেহী - অভিমানী হও। বিকারে যেও না। এ হলো মহাশত্রু। এই বিকারকে জয় করতে না পাড়লে পদ ভ্রষ্ট হয়ে যাবে আর কুলকে কলঙ্কিত করবে। মায়া হলো বড়ই প্রবল। এই লড়াই হলো প্রদীপ আর ঝড়ের লড়াই। এখানে তো বাহাদুরী দেখাতেই হবে। আমরা বাবার হয়েছি তাহলে আবার এই মায়া কিভাবে বিঘ্ন করতে পারে। হ্যাঁ, তুফান তো আসবেই, কিন্তু কর্মেন্দ্রিয় দিয়ে কোনো বিকর্ম করো না। অনেক উঁচু পদ প্রাপ্ত করো তোমরা, তাই না? তাই কিছু খেয়াল তো করো। তোমরা যদি কাউকে বলো যে আমরা নর থেকে নারায়ণ হওয়ার জন্য পড়ছি তখন তারা উপহাস করবে। এখানে তো ধারণার প্রয়োজন। এখানে তোমাদের এই কথা পাকা করতে হবে যে আমি হলাম আত্মা, আর যেহেতু আমি আত্মা, তাই সতোপ্রধান হয়ে বাবার কাছেই যাই তারপর বাবাই আমাকে স্বর্গে পাঠান। আচ্ছা।

মিষ্টি - মিষ্টি হারানিধি পুরুষার্থের নম্বর অনুযায়ী বাচ্চাদের প্রতি মাতা - পিতা, বাপদাদার স্মরণ - ভালোবাসা এবং সুপ্রভাত । রুহানী বাবার রুহানী বাচ্চাদের নমস্কার ।

ধারণার জন্য মুখ্য সার : -

১ ) নিজের রেজিস্টার যাতে খারাপ না হয় তার দিকে নজর রাখতে হবে । বাবার আঙ্গা অর্থাৎ দেহী - অভিমানী হতে হবে । কর্মেন্দ্রিয়ের দ্বারা কোনো ভুল করো না ।

২ ) সর্বগুণ সম্পন্ন হওয়ার জন্য কর্মেন্দ্রিয়ের দ্বারা এমন কোনো পাপ কর্ম যেন না হয় যাতে বিকর্ম হয়ে যায় । পুরানো হিসেব - নিকেশ শোধ করতে হবে ।

বরদান : - "কিছুই নতুন নয়" ....এই যুক্তির দ্বারা সকল পরিস্থিতিতে আনন্দের স্থিতির অনুভব করে সদা অচল - অটল হও ।

ব্রাহ্মণ অর্থাৎ সদা আনন্দের (মস্তি) স্থিতিতে থাকা আত্মা । মনে যেন সর্বদা এই গীত বাজতে থাকে - "বাহ বাবা আর বাহ আমার ভাগ্য" । দুনিয়ার যে কোনো দোলাচলের পরিস্থিতিতে আশ্চর্য হয়ো না, ফুলস্টপ লাগাও । যা কিছুই হোক না কেন -- কিন্তু কিছুই তোমার জন্য নতুন নয় । কোনো নতুন কথা নয় । ভেতর থেকে যখন অচল স্থিতি হবে, কি বা কেন , এই কথায় মন দ্বিধায় পড়বে না, তখনই বলা হবে অচল - অটল আত্মা ।

স্লোগান :- বৃত্তিতে যখন শুভ ভাবনা আর শুভ কামনা থাকবে, তখনই শুভ ভাইব্রেশন ছড়াতে পারবে ।